

Juby Naar honra cu premio “Cosecha di Cultura”



ORANJESTAD(AAN)-- Colega Juby Naar por papia aki di 3 den 1, esta tres reconocimiento den un luna, di cualnan ta un so el a logra cumpli cune. El a wordo honra como “Leyenda di Carnaval” pa SMAC pero no por a atende pa motivo di trabao. Despues el a wordo honra den actividad di Den Ambiente Awards di Jan Poets, pero e anochi ey “Andanza number un” di Aruba tabata tin e tira abao. E di tres reconocimiento a bini cu celebracion di Fundacion Parke Curazon Nobo

na Paraiso Organico na Jan Flemming. Aki si e por a presenta ya cu coleganan a colabora pa wanta trabao p’e te ora e bolbe, como cu tabata su anochi di trabao ademas. President di Fundacion Parke Curazon Nobo, Sr. Michael Santiago Lopez, a otorga e premio “Cosecha di Cultura” na Juby como reconocimiento pa tur su esfuerzonan dedica na nos cultura. Juby a sinti su mes masha honra cu e reconocimiento aki y a gradici e fundacion, tambe president Michael Lopez, y ademas Bertha Wolff,

Ailene Croes, y tur colaborador di e Paraiso Organico, pa e acogida cu el a ricibi na Jan Flemming y e atencion grandi cu tabata tin pa su persona. Den su columna Juby ta elabora tocante e anochi aki y aki por mira algun foto di e evento precioso cu tabata tin.